

Kommunalbestyrelsinut, nunaqarfinni aqutsisunut ilagiillu sinnisaannut qinersisarnerit pillugit Inatsisartut inatsisaat

Kapitali 1

Kommunalbestyrelsimum qinersineq

Qinersisinnaatitaaneq qinigaasinjaanerlu

§ 1. Kommunalbestyrelsimum qinersisinnaatitaavoq § 3-mi eqqaaneqartut eqqaassanngikkaanni kinaluunniit folketingimut qinersisinnaanermut ukiussarititaasunik naammatsitsisimasoq qinersinissaq sioqqullugu sap. akunnerini arfinilinni kommunimi pineqartumi aalajangersimasumik najugaqarsimasoq aammalu

1) qallunaatut innuttaassuseqartoq aammalu qinersinissaq sioqqullugu sivikinnerpaamik qaammatini arfinilinni Kalaallit Nunaanni aalajangersimasumik najugaqarsimasoq, imaluunniit

2) sivikinnerpaamik ukiuni pingasuni naalagaaffimmi najugaqarsimasoq qinersinissarlu sioqqullugu sivikinnerpaamik qaammatini arfinilinni Kalaallit Nunaanni aalajangersimasumik najugaqarsimasoq.

Imm. 2. Kalaallit Nunaanni aalajangersimasumik najugaqarneq pineqartillugu, tak. imm. 1, nr. 1 aamma nr. 2 Kalaallit Nunaata avataaniikkallartut aammattaaq § 2-mi ilaatinneqarput.

Imm. 3. Kommunalbestyrelsimum ilaasortaq kinaluunniit kommunalbestyrelsimum ilaasortaanerminut atatillugu nuna tamakkerlugu soqutigisaqqaqtigijt kattuffiannut, kommunimi allami angerlarsimaffeqartumi, piffissaq tamaat siulittaasussatut toqqarneqartoq, kommunimi qimatamini taasisinnaatitaavoq.

§ 2. Inuit kinguliini taagorneqartut, Kalaallit Nunaata avataaniikkallartut, taakkulu inooqatitut aapparisaat imaluunniit nalunaarsorsimasutut aapparisaat aalajangersimasumik najugaqarnissamik piumasaqaatip saniatigut, § 1, imm. 1-im i piumasarneqartut naammassisimagunikkit, kommunalbestyrelsimum qinersisinnaapput:

1) Inuit ilinniagaqarlutik Kalaallit Nunaata avataaniittut.

2) Inuit peqqinnissamut tunngasunik pissuteqarlutik Kalaallit Nunaata avataaniittut.

3) Inuit Kalaallit Nunaanni qinigaallutik folketingimi ilaasortatut suliaqarnerminnut atatillugu Danmarkimiittut.

4) Inuit Namminersorlutik Oqartussanut sinnisuullutik Kalaallit Nunaata avataaniittut.

5) Inuit Kalaallit Nunaata avataaniittut aammalu Kalaallit Nunaannut attuumassuteqarnikkut 1-4-mi taaneqartunut sanilliunneqarsinnaalluinnartut.

Imm. 2. Taamaattoq inuit imm. 1-im taaneqartut aatsaat nuunnginnerminni sivikinnerpaamik katillugit ukiuni marlunni Kalaallit Nunaanni inuit aqqlisa nalunaarsorsimaffiini allassimasimagunik

qinersisinhaapput.

Imm. 3. Inooqatitut apparisatut imaluunniit nalunaarsorsimasutut apparisat, tak. imm. 1, naatsorsunneqassapput inuit aallannginnermi apparisatut inooqatigineqalersimasut.

§ 3. Inuit eqqartuussivikkoortumik Kalaallit Nunaanni atuuttussatut aalajangikkamik nammineersinnaajunnaarsitaasimasut qinersisinhaatitaanngillat.

§ 4. Kinaluunniit qinersisussat allassimaffianut ilangunneqarsimatinnani qinersisinhaatitaanngilaq, tak. §§ 22-26.

§ 5. Kommunalbestyrelsimit qinigaasinnaatitaavoq kinaluunniit § 1 imaluunniit § 2 naapertorlugit tassunga qinersisinhaatitaasoq, pineqartoq ukiut kingullit tallimat ingerlaneranni inaarautaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimanngikkuni imaluunniit ukiut kingullit pingasut ingerlaneranni pissutsimut nalinginnaasumik isigineqarnermi kommunalbestyrelsimit ilaasortaanissamut naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimanngikkuni. Piffissaliussat taaneqartut ullormit qinersivimmii atuutissapput.

Imm. 2. Taamaattoq kinaluunniit qinigassanngortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaannginnera pillugu akerliliisoqaraluarpalluunniit.

§ 6. Kommunalbestyrelsimit qinersinermi kommunit ataasiakkaat qinersivik ataasiupput.

Imm. 2. Kommunalbestyrelsimit ilaasortat amerlassusaat qinerneqassapput kommunit aqunneqarnerat pillugu Inatsisartut inatsisaanni aalajangersarsimasut naapertorlugit.

§ 7. Kommunalbestyrelsimit ilaasortat ukiuni sisamani ilaasortaasussatut qinigaassapput, tamarmillu ataatsikkut tunuassallutik, taamaattorli tak. §§ 54-58.

Imm. 2. Qinigaaffik maaejip aallaqqaataaniit naatsorsunneqartassaaq. Qinersisarnerit pisassapput apríilimi marlunngorneq siullermi, inatsisip atuutilereernerani siullermik 2. april 2013-imi.

Qinersinermut piareersaanerit

§ 8. Qinergineq qinersivinni ataasiakkaani qinersinermik siulersuisunit siulersorneqassaaq, piareersarneqassaaq aamma naammassineqassalluni.

Imm. 2. Qinerginermik siulersuisut siulittaasuata qinersinermik siulersuisut ataatsimiinneri piareersartassavai, ataatsimiigiarnernut aggersaasuulluni aammalu ataatsimiinnerit siulsortassallugit. Qinerginermik siulersuisut aalajangiineri amerlanerussuteqarnikkut aalajangiiffigineqassapput. Taasinermi taasisut naligiippata, siulittaasup taasinera aalajangiisuussaaq. Qinerginermik Siulatorsuisuni siulittaasoq apeqqutini nalornissutigineqarsinnaanngitsuni tamani aalajangiisassaaq.

§ 9. Qinerginermik siulersuisunut ilaasortaassapput borgmesteri aamma kommunalbestyrelsimit ilaasortat ikinnerpaamik pingasut kommunalbestyrelsimit qinerneqarsimasut. Qinerginermik siulersuisunut ilaasortat qinerneqassapput qanoq amerlassuseqarneq tunngavigalugu periuseq nalinginnaasup atorneratigut, kommunit aqunneqarnerat pillugu Inatsisartut inatsisaanni aalajangersakkat naapertorlugit. Borgmesteri qinersinermik siulersuisunut siulittaasuussaaq.

Imm. 2. Kommunalbestyrelsimit ilaasortaq, qinersinissamut qinigassanngortissimasoq, qinersinermik siulersuisunut ilaasortatut qinerneqarsinnaavoq.

Imm. 3. Qinerginermik siulersuisunut ilaasortaq tunuarpat kommunalbestyrelsi ilaasortami akornanni tunuartup taartissaanik toqqaassaaq.

Imm. 4. Borgmesteri qinersinermik siulersuisunit tunuarpat qinersinermik siulersuisut ilaasortami akornanni siulittaasumik nutaamik toqqaassapput.

§ 10. Qinersinermik siulersuisut ukiumi qinersiviusussami kingusinnerpaamik januarip aallaqqaataa nallertinnagu taasiartorfissat amerlassusissaat aalajangersassavaat aammalu qinersivimmi taasiartorfissanut ataasiakkaanut tamanut inunnik qinersisinnaatitaasunik taasiartorfissani pineqartuni taaguinermik siulersuisussanik toqqaassapput. Qinersinermik siulersuisut qinersisartunik qinersinerup ingerlanneqarnerani ikuuttussanik aalajangersimasumik amerlassuseqartitaminnik toqqaasinnaapput.

Imm. 2. Taaguinermik siulersuisut suut tamarmik taasinissamut aaqqissuunneqareersimanissaat isumagisassavaat, ilaatigut qinersisussat allassimaffiata pappiarallu taasiviit piareersimanissaat isumagisassallugu, aammalu inini qinersivinni tamani ineqqamik taasivissamik aammalu qinersinernut tamanut karsimik taasivimmik nakkartitsivissamik peqarnissaa.

Imm. 3. Taaguinermik siulersuisoq qinigassanngortippat qinersinermik siulersuisut taaguinermik siulersuisumik nutaamik toqqaassapput.

§ 11. Inuit § 9, imm. 1 aamma § 10 naapertorlugit toqcarneqartut suliassinneqarnerminnut akuersinissamut pisussaapput.

Imm. 2. Kommunalbestyrelsip inuit § 10 naapertorlugu toqcarneqartut qinersinerup ingerlanneqarneranut atatillugu suliaqarnerannut ullormusiaqartissavai. Ullormusiaqartitsisoqassaaq kommunit aqunneqarnerat pillugu Inatsisartut inatsisaanni aalajangersakkat malillugit.

§ 12. Ulloq qinersiviusussaq kingusinnerpaamik sapaatit akunneri qulit sioqqullugu qinersinermik siulersuisut nuna tamakkerlugu nutaarsiassaqartitsivitsigut kiisalu kommunip nittartagaatigut tamanut saqqummiutissavaat:

- 1) qinerneqartussat amerlassusaat,
- 2) qinigassanngortittut allattorsimaffiani qinigassanngortitsisussat amerlassusissaat,
- 3) qinigassanngortittut allattorsimaffisa tunniunneqarnissaannut piffissaliussaq,
- 4) ulloq qinersifflusussaq taasifflusullu piffissaliunneqarnera aamma
- 5) taasiartorfissat ataasiakkaat, taasiartorfissanilu ataasiakkaani taaguinermik siulersuisussatut toqcarneqarsimasut aqqi.

Imm. 2. Tamanut saqqummiussineq imm. 1-im qinigartoq taamattaq naatsumik nassuaammik imaqassaaq kikkut qinersisinnaatitaanerannik aammalu communalbestyrelsimit qinersinermut kikkut qinigassanngortissinnaanersut.

Imm. 3. Qinersinermik siulersuisut taamattaq aviisini piffinni saqqummersartuni aammalu allagarsiinikkut tamanut saqqummiussisinnapput, tak imm. 1.

§ 13. Qinersinermik siulersuisut aamma taaguinermi siulersuisut qinersinermik allattaavimmik qinersinermut tunngassutillit pingaaruteqarnerusut ingerlaavartumik nalunaarsorneqarfissaannik allattaaveqassapput, taakkunani lu ilanngullugit qinigassanngortitanik nalunaarutit tunniunneqarsimasut, taasiviit atorsinnaasut amerlassusii, taasiviit atorsinnaanngitsut amerlassusii aammalu soog atorsinnaannginnerinut pissutaasut, kiisalu qinersinerup inernerata inaarutaasumik naatsorsornera pillugu paasissutissat allattorneqartassapput.

Imm. 2. Qinersinermik allattaavinnik qinersinermik siulersuisut aamma taaguinermi siulersuisut atugassaannik Naalakkersuisut suliaqassapput.

Qinigassanngortittut

§ 14. Qinersinissamut qinigassanngortittut kisimiillutik qinigassanngortittutut, kisimiillutik qinigassanngortillutik kattusseqatigiittut, imaluunniit partii qinigassanngortitsisinnaasoq sinnerlugu qinigassanngortissinnaapput, tak. Inatsisartunut qinersinarneq pillugu inatsisartut inatsisaat. Kinaluunniit partiimut qinigassanngortitsisinnaasumut ataatsimit amerlanerusunut qinigassanngortissinnaanngilaq imaluunniit partiimut qinigassanngortiutigaluni partii avataanni qinigassanngortissinnaanani.

Imm. 2. Partiimik qinigassanngortitsinermut nalunaarsuiffimmi aamma qinigassanngortitanik nalunaarummi inummik ataatsimik attaveqaataasussamik allassimosqartassaaq, qinersinermik siulersuisut nalunaarutiginninneq pillugu saaffigisassaannik. Inuk attaveqaataasussaq qinigassanngortittut tamaasa sinnerlugit nalunaarummut attuumassuteqartumik saaffiginnissutit tamaasa tigunerinut uppernarsaalluni atsiornissamik piginnaatinneqartutut isigineqassaaq.

§ 15. Partii sinnerlugu qinigassanngortittut nalunaarutigineqarnerat qinersinermik siulersuisut partiinut nalunaarsuiffissatut allaffisiaatigut pisassaaq. Nalunaarut qinersivimmi qinersinermik siulersuisunut tunniunneqareersimassaaq kingusinnerpaamik qinersinissaq sapaatit akunnerinik sisamanik sioqqullugu nal. 12.00.

Imm. 2. Partiimik qinigassanngortitsinermut nalunaarsuiffimmi qinigassanngortittut aqqi, inuup-normui, atorfii najugaalu allassimassapput.

Imm. 3. Qinigassanngortittut qinersinissamut qinigassanngortinnertik kiisalu qinersinermik siulersuisut imaluunniit Qinigaasinnaassuseq pillugu Ataatsimiitaliami qinigaasinnaassutsip misilinnejarnissaanut atorneqartussamik, tak. § 59, imm. 4, Kalaallit Nunaanni Politimestereqarfimmut pinerluttulerinermut nalunaarsuiffimmut paassisutissanik piniarsinnaanerat akuersarlugu namminneq atsiorlutik uppernarsarsimassavaat. Nalunaarummi namminermi imaluunniit taassuma assilineqarnerani atsiortoqarsinnaavoq.

Imm. 4. Partiinut nalunaarsuiffit nalunaarutigineqarneri partiimi oqartussaasunit, partiip malittarisassai malillugit kommunalbestyrelsinut qinersinermut qinigassanngortitsinissamut akuerineqarsimasunit, atsiorneqarsimassapput. Partiit qinigassanngortitsinermik akuersissutaat partiinut nalunaarsuiffiit assilineqarnerisa atsiornernik qulaani taaneqartunik ilaqtillugit qinersinermik siulersuisunut nassiunneqarnerisigut pisinnaapput.

Imm. 5. Partiit kattusseqatigiinnissamik isumaqatigiissuteqarsinnaanngillat.

§ 16. Qinigassanngortittunik partiit avataanni qinigassanngortitanik nalunaarut qinersinermik siulersuisut qinigassanngortittut pillugit allaffisiaasigut nalunaarutigineqartassaaq qinersinermik siulersuisunut tunniunneqareersimassalluni kingusinnerpaamik qinersinissaq sapaatit akunnerinik sisamanik sioqqullugu nal. 12.00.

Imm. 2. Qinigassanngortitsinermut nalunaarsuiffimmi qinigassanngortittup aqqa, inuup-normua, atorfia najugaalu allassimassapput.

Imm. 3. Qinigassanngortittup qinersinissamut qinigassanngortinnini kiisalu qinersinermik siulersuisut imaluunniit Qinigaasinnaassuseq pillugu Ataatsimiitaliami qinigaasinnaassutsip misilinnejarnissaanut atorneqartussamik, tak. § 59, imm. 4, Kalaallit Nunaanni Politimestereqarfimmut pinerluttulerinermut nalunaarsuiffimmut paassisutissanik piniarsinnaanerat akuersarlugu nammineq atsiorluni uppernarsarsimassavaa. Nalunaarummi namminermi imaluunniit taassuma assilineqarnerani

atsiortoqarsinnaavoq.

Imm. 4. Partiit avataanni qinigassanngortittut marluk amerlanerusulluunniit kattusseqatigiinnikkut tapersersoqatigiinniarlutik isumaqatigiissinnaapput. Qinigassanngortitaq ataaseq kattusseqatigiinni ataasiinnarmi peqataasinnaavoq. Qinigassanngortitaq qinigassanngortitaq alla ataaseq amerlanerusulluunniit kattusseqatigisimappagit nalunaarummi tamanna taaneqarsimassaqq.

Qinigassanngortitat kattusseqateqarnissartik atsiorlutik akuersissutigisimassavaat. Akuersissutit nalunaarummi namminermi taassumaluunniit assilinerini nalunaarutigineqarsinnaapput.

§ 17. Partiit avataanni qinigassanngortittut nalunaarutigineqarneri qinersivimmi qinigassanngortitsisunit ikinnerpaamik qulinit atsiorneqarsimassapput. Atsiornerit nalunaarummi namminermi issinnaapput taassumalluunniit assilineraniissinnaallutik. Nalunaarummi allassimassapput qinigassanngortitsisut tamarmik immikkut aqqi, inuup-normui, atorfii najugaallu. Qinigassanngortitsisut ilaat ataaseq nalunaarut pillugu qinigassanngortitsisut tamaasa sinnerlugit saaffigineqarsinnaasutut piginnaatinneqartutut allassimassaaq. Qinigassanngortitsisut aqqi qinersisartumit allamit kimilluunniit piumasarineqarpata nalunaarutigineqassapput.

Imm. 2. Kinaluunniit qinigassanngortittunut arlalinnut qinigassanngortitsisuusinnaanngilaq. Qinersisartoq taamaallaat qinersivimmi qinersisussat allassimaffianni allassimaffimmini qinigassanngortittumut qinigassanngortitsisuusinnaavoq.

§ 18. Qinigassanngortittup qinigassanngortitsinermik nalunaarut tunniunneqareersimasoq qinersinermik siulersuisunut qinersinissaq kingusinnerpaamik sapaatit akunneri sisamat nal. 12.00 nallertinnagu tunuartissinnaavaa. Qinersisartup qinigassanngortitsisutut qinigassanngortittumik inassuteqarsimasup inassuteqarnini utertissinnaanngilaq qinigassanngortitsinermik nalunaarut qinersinermik siulersuisunut tunniunneqareersimappat.

§ 19. Qinigassanngortitanik nalunaaruteqarnissamut piffissaliussaq naaniariarpot qinersinermik siulersuisut pilertornerpaamik aalajangissavaat nalunaarutit tiguneqarsimasut atorsinnaasutut isigneqarnersut tamatumalu kinguninnguatigut qinigassanngortittut aamma saaffigineqartussatut piginnaatinneqartut piaartumik aalajangerneq pillugu nalunaarfugalugit. Qinigassanngortitaq nalunaarutigineqarnerani kukkuneqarsimappat qinersinermik siulersuisut qinigassanngortittut imaluunniit saaffigineqartussatut piginnaatinneqartoq kukkunerup aaqqinneqarnissaanut ulluinnarnik marlunnik piffissalissavaat.

Imm. 2. Qinersinermik siulersuisut qinigassanngortittut aqqi piaernerpaamik tamanut saqqummiutissavaat. Qinigassanngortittoq partiit tunuleqtalaralugu qinigassanngortippat imaluunniit qinigassanngortittut arlallit kattusseqatigiippata, tamanna tamanut saqqummiussinermi taaneqassaaq.

Imm. 3. Qinigassanngortittut aqqi nuna tamakkerlugu tusagassiuititigut kiisalu kommunip nittartagaani saqqummiunneqassapput. Qinersinermik siulersuisut taamattaq aviisini piffinni saqqummersartuni aammalu allagarsiinikkut tamanut saqqummiussinnaapput.

§ 20. Qinigassanngortitanik nalunaaruteqarnissamut piffissaliussap naanerani qinersivimmi qinigassanngortitat qinersivimmi communalbestyrelsimit ilaasortassatut qinerneqartussaniit ikinnerusut nalunaarutigineqarsimappata qinersinermik siulersuisut qinersivimmi qinersisartut kajumissaassavai piffissaq erseqqinnerusumik taasaq naatinngu qinigassanngortitanik amerlanerusunik nalunaarutiginneqqullugit.

§ 21. Qinigassanngortitanik nalunaaruteqarnissamut piffissaliussap naanerani qinersivimmi qinigassanngortitat qinersivimmi communalbestyrelsimit ilaasortassatut qinerneqartussat

amerlaqatigippatigit, qinersinermik siulersuisut communalbestyrelsimit qinersinissaq taamaatiinnassavaa nalunaarutigalugulu qinigassanngortittutut nalunaarutigineqarsimasut taasinertaqanngitsumik qinigaasut.

Imm. 2. Qinersinermik siulersuisut qinersinermut allattaavimmi nalunaassavaat kikkut qinigaasutut isigneqarnersut, qinigaasullu qinigaanerat pillugu allakkatigut nalunaarfugalugit.

Imm. 3. Ilaasortaaffit agguataarneqassapput § 45-mi periutsit malillugit.

Qinersisussat allassimaffi

§ 22. Ulloq qinersivissaq aalajangerneqareerpat qinersinermik siulersuisut inuit kingusinnerpaamik ullormi qinersivissami §§ 1 aamma 2 malillugu qinersisinnaatitaasutut piumasaqaatinik eqquutsitsisunik aammalu qinersivimmni pineqartumi inuit aqqisa nalunaarsorsimaffiannut nalunaarsimasunik qinersisussat allassimaffiinik suliaqassapput, taamaattoq tak. § 23.

Imm. 2. Qinersisussat allassimaffianni ilanngunneqassapput inuit qinersinissaq sioqqullugu kingusinnerpaamik sapaatit akunneri arfinillit qinersivimmut nuussimasut aammalu kingusinnerpaamik ulloq taanna nuunnerminnik kommunimi inuit aqqisa nalunaarsorsimaffiannut allatsissimasut.

Imm. 3. Qinersisartut qinersinissaq sioqqullugu kingusinnerpaamik sapaatit akunneri arfinillit qinersiviup iluani nuussimasut aammalu kingusinnerpaamik ulloq taanna nuunnerminnik kommunimi inuit aqqisa nalunaarsorsimaffiannut allatsissimasut najugarilikkaminni qinersisussat allassimaffiannut ilanngunneqassapput.

Imm. 4. Qinersisartut qinersinissaq sioqqullugu kingusinnerpaamik sapaatit akunneri arfinillit kingorna qinersiviup iluani nuussimasut imaluunniit ullormit tassannga kingusinnerusumik nuunnerminnik nalunaaruteqarsimasut najugarisimasaminni qinersisussat allassimaffianni nalunaarneqarsimaannassapput.

Imm. 5. Qinersisartut qinersinissaq sioqqullugu sapaatit akunneri arfinillit kingorna qinersiviup avataani aalajangersimasumik najugaqalersut qinersinermik siulersuisunit qinersisussat allassimaffiannit peerneqassapput.

Imm. 6. Qinersisussat allassimaffisa suliarineqarnerinut maleruagassat erseqqinnerusut Naalakkersuisunit aalajangersarneqarsinnaapput.

§ 23. Qinersisartut § 2-mi pineqartut qinersisussat allassimaffiannut ilanngunneqassapput imaluunniit qinersisussat allassimaffianniit iinnarneqassapput kingullermik inuit aqqisa nalunaarsorsimaffianni nalunaarneqarsimaffigisaminni. Tamatumunnga qinnuteqaat kommunimi tassani qinersinermik siulersuisunut tunniunneqassaaq. Qinersinermik siulersuisut aalajangiinerat sapaatit akunneri marluk killiliunneqartut qaangiutsinnagut Qinersinermut Ataatsimiititaliamut suliareqqitassanngortinneqarsinnaavoq, tak. § 78.

Imm. 2. Imm. 1 malillugu qinersisussat allassimaffianni ilanngunneqarnermik aalajangiiffingineqarneq ullormit aalajangiinerup ulluanit naatsorsorlugu ukiuni marlunni atuutissaaq.

Imm. 3. Qinersisartoq imm. 1 malillugu imm. 2-mi taaneqartutut piffissaliussap naannginnerani qinersisussat allassimaffianinni nutarterniarlugu qinnuteqarpal aalajangiisoqarnissaata tungaanut piffissaliussaq sivitsorneqassaaq.

Imm. 4. Qinnuteqaatip tunniunneqarnissaaluu suliarineqarnissaaluu pillugu Naalakkersuisut maleruaqqusaliorssinnaapput.

§ 24. Qinersisussat allassimaffiat qinersiviup iluani taasiartorfit ataasiakkaat tamaasa immikkoortortaqartillugit suliarineqassaaq.

Imm. 2. Qinersisussat allassimaffianniissapput qinersisartut aqqi inuuilu aammalu llagiinnut ilaasortaanerannut paassisutissat. Taamatuttaaq communalbestyrelsimum qinersinermut qinersisussat allassimaffiat krydsilerfissaqassaaq taamatullu aamma ilagiit sinnisaannut qinersinermut krydsilerfissaqassalluni.

Imm. 3. Ilagiinnut ilaasortaaneq pillugu paassisutissat tamanut saqqummiunneqassangillat. Qinersisartoq kinaluunniit pisinnaatitaavoq nammineq qanoq nalunaarsorneqarsimanini pillugu paasitinneqarnissaminut.

Imm. 4. Qinersisussat allassimaffianni ilagiinnut tunngasuni ilanngunneqarsimaneq imaluunniit ilanngunneqarsimanninnej pillugu naammagittaalliuutit biskoppimut ingerlanneqassapput, tak. § 68.

§ 25. Qinersisussat allassimaffiat kingusinnerpaamik ulloq qinersivissaq sapaatit akunnerinik pingasunik sioqqullugu qinersivimmi kikkunnit tamanit takuneqarsinnaanngorlugu ulluinnarni marlunni saqqumitinneqassaaq.

Imm. 2. Qinersisussat allassimaffiat qinersiviup iluani taasiartorfit ataasiakkaat tamaasa immikkoortantanngorlugit suliarineqarsimappat immikkoortortat tamarmik kikkunnilluunniit tikinnejqarsinnaasumi saqqumitinneqassapput, qinersiviullu taarsiartorfifi allani tamani saqqumitinneqassalluni qinersisussat allassimaffiata taasiartorfimmut atortup assilinera.

Imm. 3. Qinersisussat allassimaffiata qaqugu sumilu saqqumitinneqarnissaa qinersinermik siulersuisut aalajangissavaat.

§ 26. Qinersiviusumi kinaluunniit qinersisussat allassimaffiat pillugu naammagittaalliorsinnaavoq.

Naammagittaalliuut qinersinermik siulersuisunut tunniunneqassaaq qinersisussat allassimaffiata saqqumitinneqarfissaata naanerata kingorna kingusinnerpaamik ulluinnaat marluk qaangiutsinnagit. Naammagittaalliuut allakkatigut pissaaq naammagittaalliornermut pissutaasut naatsumik taallugit.

Imm. 2. Naammagittaalliuutit sappingisamik piaarnerpaamik qinersinermik siulersuisunit aalajangiiffiqeqassapput. Qinersisussat allassimaffi tamatuma kingorna iluarsineqarsimasui qinersinermik siulersuisut siulittaasuannit atsiorneqassapput.

Imm. 3. Kinaluunniit qinersisussat allassimaffiannit imm. 2-mi ataatsimiinnermi taaneqartumi peerneqarsimasoq, imaluunniit nammineq inuulluunniit allap ilanngunneqarsimanninneranik naammagittaalliuutini pillugu isumaqatigineqanngitsoq qinersinermik siulersuisunit allakkatigut nalunaarfigineqassaaq.

Imm. 4. Inuup qinersisinnaatitaannginnerminik naammagittaalliuuteqartup qinersisussat allassimaffiata imm. 2 malillugu iluarsineqarnerata kingorna ulluinnaat marluk qaangiutsinnagit apeqput allakkatigut saqqummiussinnaavaa Qinersinermut Ataatsimiititaliamut inaarutaasumik aalajangiisussamut, taamaattoq tak. § 24, imm. 4. Qinersinermut Ataatsimiititaliap naammagittaalliorq qinersinermilu siulersuisut attuumassuteqartut aalajangiinerminik nalunaarfigissavai, tamatumalu kingorna qinersisussat allassimaffianni iluarsisassat pisariaqartut qinersinermik siulersuisunit iluarsineqassapput.

Imm. 5. Tamatuma saniatigut qinersisussat allassimaffiat, imm. 2 aamma 4 naapertorlugit qinersinermik siulersuisunit iluarsineqareeruni allanngortinneqarsinnaanngilaq.

§ 27. Taasineq ingerlanneqassaaq taasiviit pappiarat krydsiligassat naqinneqareersimasut atornerisigut.

Taasiviit pappiarat kalaallisut qallunaatullu naqitanik allagartaqassapput "Kommunimut qinersineq".

Qinersinermik siulersuisut taasivissat pappiarat pisariaqartineqartut pissarsiarinissaat, ilusilernissaat agguannissaallu pillugit akisussaasuupput.

Imm. 2. Qinersinermik siulersuisut qinnuteqareernerisigut taasiviit pappiarat krydsiligassat atorneqannginnissaannik Naalakkersuisut akuersissuteqarsinnaapput.

Imm. 3. Taasiviit pappiarat krydsiligassat taasiviillu allat pillugit ilusilerneqarnissaannut Naalakkersuisut aalajangersaasinnaapput.

§ 28. Taasivimmi qinigassanngortittut aqqi, kinguliaat siulliullugit, aqqi aamma atit taaguutaanngitsut tulliutillugit pisariaqarpallu ateruserineqartut akuerineqarsimasut allassimassapput.

Imm. 2. Partiimi qinigassanngortitsinermut allassimaffit kisimiillutik qinigassanngortittut siornagut allanneqassapput. Kattusseqatigillutik qinigassanngortittut, kisimiillutik qinigassanngortittunit siulliullugit allanneqassapput. Kattusseqatigillutik qinigassanngortittut amerlanerusunik qinigassanngortitaqartut, ikinnerusunik qinigassanngortitaqartunit siulliullugit allanneqassapput.

Imm. 3. Partiimi qinigassanngortitsinermut allassimaffit naqinnerit tulleriinneri malillugit Inatsisartunut qinersinermi periuseq atorneqartoq malillugu allanneqassapput. Partii tunulequtaralugu qinigassanngortittut partiimik qinigassanngortitsinermut allassimaffisa iluini naqinnerit tulleriinneri malillugit allanneqassapput.

Imm. 4. Kisimiillutik qinigassanngortittut arlallit kattusseqatigillutik qinigassanngortittut taaneqassapput "Kattusseqatigiit 1", "Kattusseqatigiit 2" il.il. Kattusseqatigiit 1 tassaassaaq amerlanerpaanik qinigassanngortitaqartoq. Kattusseqatigiinni qinigassanngortitsinermi nalunaarutit marluk imaluunniit arlallit amerlaqtigiainnik qinigassanngortitaqarpata qinersinermik siulersuisut makitsissapput.

Kattusseqatigillutik qinigassanngortittut qinigassanngortitsinermut allassimaffisa iluini naqinnerit tulleriinneri malillugit allanneqassapput.

Imm. 5. Kisimiillutik qinigassanngortittut sinneri naqinnerit tulleriinneri malillugit allanneqassapput.

Imm. 6. Imm. 1 - 5 taamattaaq taasiartortarfanni inimi aamma ineeqqani taasiffiusuni allagartani atorneqassapput.

§ 29. Taasisoqassaaq taasiartortarfanni tamani inimi qinersinermik siulersuisunit innersuussutigineqartumi.

Imm. 2. Taaguermermi siulersuisup inimi taaneqartumi ineeqqamik imatut ilusilimmik taasiveqarnissaa isumagissavaa, taqqamani inuk nikorfasinnaassaaq ineeqqap silataani inunnit allanit takuneqarsinnaanani. Ineeraq naammattumik qaammaqquteqassaaq, allannerit erseqqissumik atuarneqarsinnaallutik aammaluu aqerluusamik nalinginnaasumik qernertumik peqassaaq allannermullu toqqavissamik manngertumik peqassalluni.

Imm. 3. Ineeqqap taasiviup silataani taasinermut karseqassaaq parnaarsimasumik, taannalu sananeqarsimassaaq pappiarat taasiviit taasinermut karsit ammaqqaartinnagu ammunneqarsinnaajunnaarlugit.

§ 30. Taaguermermi siulersuisup taaguerup aallartinnerani taagineq ammarnerarlugu nalunaarutigissavaa, najuuttullu isigitillugit karsit nakkartitsiviit ammarialrugit imaqannginnerat takutissallugu, taamaaliodeerunilu karsit parnaassavai.

Imm. 2. Inimi qinersivimmi erseqqissunngorlugu inissitamik allagartaqassaaq, tassani allassimassallutik qinersivimmi partit inuillu qinigassanngortittut aqqi. Qinigassanngortittut arlallit kattusseqatigillutik

qinigassanngortissimappata allagartaq tamatumunnga paasissutissanik imaqaqtinneqassaaq. Allagartap taassuma assinga ineeqqami taasivimmi, allannissami allequttap qulaatunginnguani, nivingatinneqassaaq. Allagartat taaneqartut qinersinermik siulersuisunit suliarineqassapput.

Imm. 3. Qinersisoqassaaq nammineerluni inimut qinersivimmukarnikkut, qinersisussarlu taaguinerimi siulersuisumut saaffiginnissaq. Taaguinerimi siulersuisup qinersisussat allassimaffianni qinersisartup aqqata nalaatigut krydsilissavaa, taavalu qinersisartoq pappiaramik taasivissamik allaffigineqarsimanngitsumik tunissallugu.

Imm. 4. Taasineq pissaaq ineeqqami taasivimmi allamik inoqartussaanngitsumi. Qinersisartup pappiarami taasivissami krydsilissavaa qinigassanngortittup imaluunniit partiip kommunalbestyrelsimit qinigaatinniakkap aqqata nalaatigut. Taasiviit pappiarat krydsiligassat atorneqanngippata qinigassanngortittup imaluunniit partiip kommunalbestyrelsimit qinigaatinniakkap aqqa allanneratigut taasisoqassaaq. Taava qinersisartup pappiara taasivik peqissavaa, kina taasimanerini allanit takuneqarsinnaajunnaarlugu. Qinersisartoq taamaalioreeruni pappiara taasivik peqitaq karsimut nakkartitsivimmut ikissavaa pissutissaqanngitsumillu uninnganani inimit qinersivimmit qimagutissalluni.

Imm. 5. Nalinginnaasumik taasisitsineq naammassereerpat taaguinerimi siulersuisoq nammineerluni taassisaaq.

Imm. 6. Qinersisartup pappiara taasivik kukkusumik immersorneratigut imaluunniit mianersuaalliornikkut atorsinnaajunnaartissimaguniuk allamik taarsertissinnaavaa. Allamik taarsertitsisoqarsinnaanngilaq pappiara taasivik karsimut nakkaatsivimmut nakkartineqareersimappat. Pappiara taasivik atorsinnaajunnaarsitaasimasoq taaguinerimi siulersuisumit immikkoortillugu toqqortarineqassaaq.

Imm. 7. Qinersisartup pappiara taasivik pissusissaatut nammineerluni immersorsinnaanngippagu taaguinerimi siulersuisup qinersisartoq pineqartoq ikiussavaa. Qinersisartut angallarlunnertik pissutigalugu allamilluunniit assigisaanik peqquteqarlutik inimut taasivimmut isersinnaanngitsut taaguinerimi siulersuisoq isigitillugu inip taasiviup silatinnguani taasisinnaassapput. Qinersisartoq tappiitsuguni isigiarsuttuuguniluunniit taasinermi inummit najuuttumit, nammineq toqqakkaminit, taamaallaat ikiorneqnissani piumasarisinnaavaa.

§ 31. Qinersineq aallartissaaq nal. 9 naammassineqassallunilu nal. 20, siusinnerusukkulli naammassineqassaaq qinersisussat tamarmik nalunaaqutaq taasaq nallertinnagu taasiartoreersimappata.

Taassisutinik allakkatigut nassitsinikkut taasineq (allakkatigut taasineq)

§ 32. Qinersisartut, taasinissamut piffissaliussat iluanni taasiartorfimmukarsinnaanngitsut imaluunniit aatsaat ajornartorsiorujussuarlutik taasiartorfimmukarsinnaasussat, §§ 33 - 38-mi maleruaqqusat malillugit pappiaramik taasivimmik nassitsinermikkut taasisinnaapput (allakkatigut taasineq).

Imm. 2. Inuit qinersinermut qinigassanngortittut allakkatigut taassisutinik tigooraasussatut imaluunniit suliaqartussanngorlugit toqqarneqarsinnaangillat.

§ 33. Qinersisartut Kalaallit Nunaanniittut inuit aqqinik nalunaarsuiffimmi, tassungalu ilanngullugu qinersivimmi qinersisussat allassimafiannut allanneqarfisisamasaminni inuit aqqinik nalunaarsuiffimmi, taasisinnaapput.

Imm. 2. Qinersisartut napparsimmaqvimmi imaluunniit peqqissartarfinni paarineqartarfinniluunniit allani uninngasut, napparsimmaqvimmi uninngaffigisaminniluunniit taasisinnaapput.

Imm. 3. Qinersisartut, napparsimaneq pissutigalugu, imaluunniit angallarlunnertik pissutigalugu taasiartorfimmukarsinnaanngitsut angerlarsimaffimminni allakkatigut taasisinnaapput.

Imm. 4. Qinersisartut Kalaallit Nunaanni pinerluttunik isumaginnitqarfiup inissiisarfíni inissinneqarsimasut inissinneqarfígisaminni taasisinnaapput.

Imm. 5. Qinersisartut inoqarfínni avinngarusimasuni immikkut taasiartorfiunngitsuni najugaqartut qinersinermik siulersuisunit taassisutinik tigooraasussatut toqqarneqarsimasumut taasisinnaapput.

Imm. 6. Qinersisartut timmisartut mittarfiini, silasiorfínni il.il. kommunit aggornerisa avataanniittuni najugaqartut inummut Naalakkersuisunit taassisutinik tigooraasussatut piginnaatitaasumut taasisinnaapput.

Imm. 7. Qinersisartut naalagaaffiup ilaani allani najugaqartut inuit aqqinik nalunaarsuiffimmi imaluunniit Naalakkersuisunit taassisutinik tigooraasussatut piginnaatitaasumut taasisinnaapput.

Imm. 8. Qinersisartut naalagaaffiup avataani najugaqartut qallunaat aallartitaqarfíni imaluunniit konsuleqarfíni taasisinnaapput.

Imm. 9. Qinersisartut umiarsuarni Kalaallit Nunaanni angerlarsimaffeqartuniittut umiarsuup naalagaanut, taassumaluunniit toqqagaanit, taassisutinik tigooraasussatut piginnaatitaasumut taasisinneqarsinnaapput.

Imm. 10. Qinersineq siusinnerpaamik ukiumi qinersiviusussami 1. januar aallarnerfigalugu pisinnaavoq.

Imm. 11. Allakkatigut taasisarneq pillugu Naalakkersuisut aalajangersaasinnaapput.

§ 34. Naalakkersuisut § 35, imm. 1 naapertorlugu Kalaallit Nunaanni allakkatigut taasinermi atortussat pisariaqartinneqartut pissarsiarissavaat.

Imm. 2. Kalaallit Nunaata avataani taasinermi Danmarkimi Savalimmiunilu taasinerni assigisuni qinersinermut atatillugu taasivissat atorneqartartut atorneqartassapput.

§ 35. Qinersisartoq taasiartorfinni § 33-imi taaneqarsimasut ilaanni taasinernik tigooqqaasussamut saaffiginninnermigut pappiaramik taasivimmik, puussaqarlunilu allakkanik nassitsissutitaqarlunilu ungaluusartalimmik tunineqassaaq. Qinersisartup allanit isigineqarani pappiara taasivik erngerluni immersussavaa kommunalbestyrelsimit qinersivimmi, qinersisussat allassimaffiannut allanneqarfígisaminiiffimmini, partiip aqqa allallugu imaluunniit kommunalbestyrelsimit qinersivimmi qinigassanngortittup aqqa allallugu.

Imm. 2. Qinersisartoq taasereerniariarpat allakkat nassitsissutit immersorneqassapput. Taakku ukunannga imaqqassapput:

1) Qinersisartup nammineq piumassutsiminik allanillu isigineqarani pappiaramik taasivimmik immersuisimaneranik, puussaanut ikisisimaneranik taassuminngalu matusisimaneranik upternarsaat. Qinersisartup aamma ilumoorluunnarluni upternarsassavaa ullormi qinersivissami taasinissamut piffissaliussat iluanni taasiartorfíssamukarsinnaanani imaluunniit aatsaat ajornartorsiorujussuarluni taasiartorfíssamukarsinnaalluni. Qinersisartup taasinermik tigusisussaq isigitillugu allakkat nassitsissutissat atsiussavai, allakkanilu nassitsissutini allanneqassapput atsiornerup ullua, qinersisartup aqqi tamarmik, inuuia, atorfia, kommunimilu qinersisussat allassimaffiannut ilanngunneqarfígisimasamini najugaa.

2) Qinersisartup atsiornerata ilumortuuneranik aammalu qinersisartup piffissami sumiiffimilu taasaani pisimaneranik, kiisalu allanit isigineqarani taasisimaneranik taasinermik tigusisup upternarsaasiussaa. Uppernarsaat taanna pineqartumit namminermit ateq, atorfik, najugarlu allallugit atsiorneqassaaq.

§ 36. Puussaq pappiaramik taasivimmik allakkanillu nassitsissutinik imalik ikineqassaaq puussamut tassunga ikisiffissiamut, taannalu matuneqassaaq, kommunimullu qinersisartup qinersisussat allassimaffianni allanneqarfígisimasaanut nassiunneqassalluni. Puussap tunuani erseqqissumik

allanneqassapput qinersisartup aqqa najugaalu. Taasinermik tigusisup pisariaqanngitsumik kinguarsaanani puussaq kommunimut nassitsivissamut nassiuressavaa.

§ 37. Kommunip puussaq nassiuressimmasoq ammarnagu erngerluni taasiartorfimmi qinersisartup pineqartup qinersisinnaatitaaffigisaanut puussami najugaatut taaneqarsimasumi taaguermermi siulersuisumut ingerlateqqissavaa. Puussat taagineq naammassitinnagu taaguermermi siulersuisumut tiguneqareersimassapput.

§ 38. Taagineerup naammassineqariitsiarnerani puussat tiguneqarsimasut taaguermermi siulersuisumut ammarneqassapput, taassumalu misissussavaa allakkatigut taasinerit taasinernut ilanngunneqarsinnaandersut. Allakkatigut taasineq taasinerut ilanngunneqarsinnaappat qinersisartup pineqartup aqqa qinersisussat allassimaffianni krydsilerneqassaqq, taavalu allakkat puua pappiaramik taasivimmik imalik ammarnagu karsimut nakkartitsivimmut nakkartinneqassaqq.

Imm. 2. Paasineqarpat puussami inuk pineqartoq qinersisussat allassimaffianni ilanngunneqarsimannitsoq, imaluunniit ulloq qinersivik nallersinnagu pineqartoq toqukkut qimagussimappat, allakkatigut taasineq naatsorsuutigineqassanngilaq. Tamanna aamma atuuppoq puussaq allamik imaluunniit allakkanik nassitsissutinik ataasiinnaangngitsunik allakkalluunniit puuannik ataasiinnaangngitsumik imaqarpat, imaluunniit puussap, allakkat puuata allakkalluunniit nassitsissutit isikkuatigut isumaqarnarpat inatsimmut naapertuuttumik suliarineqarsimasuunngitsoq, imaluunniit immersorneqarnerat, uppernarsarneqarsimanerat atsiorneqarneralluunniit peqqussutigineqartut malillugit pisimanngippat, tak. § 35.

Imm. 3. Puussat aatsaat taasineq naammassereertoq tiguneqartut naatsorsuutigineqassanngillat.

Imm. 4. Qinersisartut ullormi qinersivimmi taasisimasut allakkatigut taasineri ilanngunneqarsinnaangngillat.

Imm. 5. Puussat, allakkat nassitsissutit, allakkat puui pappiarallu taasiviit tamarmik qinersinermik siulersuisunut nassiuressapput atortussanut § 45-mi taaneqartunut ilanngullugit.

Taasanik kisitsineq il.il.

§ 39. Taagineq naammassineqarniariarpat taagineermermi siulersuisup immikkut poortugakkuutaarlugit makku qilersussavai:

- 1) Pappiarat taasiviit atorsimannngitsut aamma
- 2) pappiarat taasiviit allamik taarsigassatut utertinneqarsimasut.

Imm. 2. Taamaaliooreerniariarluni najuuttut isigitillugit karsi taasivinnut nakkaatitsivik ammassavaa taamaaliooreerpallu pappiarat taasiviit qaquinneqassapput iluarsaanneqassallutilu pappiarat taasiviit

- 1) partiimut taassumalu qinigassanngortitaanut,
- 2) kattusseqatigiillutik qinigassanngortittunut aamma
- 3) qinigassanngortittunut partiit kattusseqatigiillu avataanniittunut immikkoortiterlugit qaleriissakkutaarlugit.

Imm. 3. Taamaalereerpata partiinut qinigassanngortitsisunut, kattusseqatigiinnut tamanut aammalut partiit avataasigut qinigassanngortittunut tamanut taasinerit qanoq amerlassuseqarnersut kisineqassapput.

Imm. 4. Taagineermermi siulersuisup tamatumia kingorna partiinut, kattusseqatigiinnut aammalut partiit avataasigut qinigassanngortittunut ataasiakkaanut tamaasa ataasiakkaarlugit naatsorsuusiussavai taasinerit qassit qinigassanngortittunut ataasiakkaanut tunngatinneqassanersut.

Imm. 5. Inuit qinersisinnaatitaasut ikinnerpaamik marluk qinersinermi taasinerup kisinneqarnerani tamanut ammasuusumi najuuttoqanngippat, taaguermermi siulersuisoq qinersisinnaatitaasut akornanni inunnik marlunnik qinersisinnaatitaasunik uppernarsaasussatut najuuttussanik aggersaassaaq.

§ 40. Taasineq partiimut taasineruvoq qinersisartup partiip nalaatigut nalunaarfissaq krydsilersimappagu. Allakkatigut taasinermermi partiimut taasineruvoq qinersisartup partiip aqqa allakkatigut taasisummi allassimappagu.

Imm. 2. Taasineq partiit avataatigut qinigassanngortittumut taasineruvoq qinersisartup taasivimmi qinigassanngortittup aqqata nalaatigut nalunaarfissaq krydsilersimappagu. Allakkatigut taasinermermi partiit avataatigut qinigassanngortittumut taasineruvoq qinersisartup qinigassanngortittup aqqa allakkatigut taasisummi allassimappagu.

Imm. 3. Taasineq qinigassanngortittumut taasinertut isigineqassaaq, qinersisartup aqqata nalaatigut nalunaarfissaq krydsilersimappagu imaluunniit qinigassanngortittup partii tunuliaqtalarugu allassimaffiata nalaatigut partiimut nalunaarfissaq aamma qinigassanngortittup aqqata nalaatigut nalunaarfissaq krydsilersimappagu. Assigisaanik atuuppoq qinersisartup allakkanik taasinermermi qinigassanngortittup aqqa allassimappagu imaluunniit qinigassanngortittup aqqa aamma partiip aqqa qinigassanngortittup tunuliaqtalarugu qinigassanngortiffigisa allassimappagu.

Imm. 4. Qinersisartoq partiip aqqata nalaatigut krydsiliisimappat, imaluunniit partiip qinigassanngortitaasa qinersisartup sorleq taaniarsimaneraa qularnaatsumik takuneqarsinnaanngippat, taasineq partiimut taasinertut isigineqassaaq (partiimut taasineq).

§ 41. Pappiara taasivik inimi qinersivimmi taasivigineqarsimasoq atorsinnaanngilaq:

- 1) Allaffigineqarsimanngikkuni,
- 2) erseqqissumik takuneqarsinnaanngippat partiit arlaat sorleq imaluunniit qinigassanngortittoq partiit avataannittooq sorleq qinersisartup taaniarsimaneraa, imaluunniit 3) pappiarap taasiviup isikkua malillugu isumaqarnarpatt pappiara taasivik inatsit naapertorlugu suliarineqarsimasuunngitsoq.

Imm. 2. Allakkatigut taasivik atorsinnaanngilaq:

- 1) Allaffigineqarsimanngikkuni,
- 2) erseqqissumik takuneqarsinnaanngippat partiit arlaat sorleq imaluunniit qinigassanngortittoq partiit avataannittooq sorleq qinersisartup taaniarsimaneraa,
- 3) allakkat puussaat allamik imaqpapat imaluunniit pappiaranik taasivinnik ataatsimit amerlanerusunik imaqpapat,
- 4) pappiarap taasiviup isikkua malillugu isumaqarnarpatt pappiara taasivik inatsit naapertorlugu suliarineqarsimasuunngitsoq imaluunniit periusissat naapertorlugin immersorneqarsimanngippat.

Imm. 3. Pappiara taasivik atorsinnaanngitsutinneqarpatt tamanna qinersinermik allattaavimmi, taaguermermi siulersuisup allattuiffigisaani, allanneqassaaq, atorunnaarsitaaneranullu tunngaviusoq naatsumik taaneqarluni.

Imm. 4. Pappiarat taasiviit, taakkununngalu ilanngullugit allakkatigut taasiviit, naliliiffigineqartarnissaat pillugu malittarisassanik Naalakkersuisut aalajangersaasinnaapput.

§ 42. Taasinemik kisitsineq naammasseriiginnartoq taasinernik nutaamik kisitsisoqalissaq. Aatsaat kisitsinerit marluk assigimmik inerneqarpata taaguermermi siulersuisup qinersinermi taasinerit inernerini aarutaasumik naatsorsussavai.

§ 43. Qinersinermik allattaavimmi partiit qinigassanngortittullu nalunaarsorneqassapput.

Allattorneqassapput partiit ataasiakkaat taasinernik qasseraarsimanersut, aammalu allanneqassallutik

partiit ataasiakkaat sinnerlugit aammalu partiit avataanni qinigassanngortittut tamarmik immikkut qassnik taaneqarsimanersut.

§ 44. Taasiartorfimmi qinersinerup inernerera taaguermermi siulersuisup ingerlaannarluni qinersinermik siulersuisunut nalunaarutigissavaa.

Imm. 2. Nalunaarummi ilanngullugit taaneqassapput taasiartorfinni ataasiakkaani qinersisinnatitaasut qassiuneri aammalu qinersinermut atatillugu pissutsinik immikkut ittunik qinersinerup inernereranut sunniuteqarsinnaasunik atuuttoqarsimanersoq oqaatigineqassalluni.

§ 45. Qinersinermik siulersuisut taaguermermi siulersuisunit naatsorsukkat inernerera tigoreerunikkat qinersivimmi aammalu kommuniusimasuni, tak. imm. 4, qinersinerup tamakkerluni inernerera naatsorsussavaat.

Imm. 2. Naatsorsuineremi taasinerit ataatsimut naatsorsorneqassapput makkununnga agguataarlugit

- 1) partiit ataasiakkaat taakkulu qinigassanngortitaat
- 2) kattusseqatigiit ataasiakkaat qinigassanngortitaat
- 3) kisimiillutik qinigassanngortittut ataasiakkaat.

Imm. 3. Qinersinermik siulersuisut ilaasortaaffit agguataassavaat d'Hondtip periaasaa malillugu.

Kisimiilluni qinigassanngortittoq ilaasortaaffimmik ataasiinnarmik pissarsisinnaavoq.

Imm. 4. Kommuniusimasumi kommunimi ilaasumi ataasiakkaani tamani communalbestyrelsimi ilaasortaq ataaseq nunami sumiiffup sinnisaatut qinigaassaaq. Kommuniusimasumi nunami sumiiffup sinnisuutarissavaa partiit annersaani imaluunniit kattusseqatigiillutik qinigassanngortitaat amerlanerpaanit taaguunneqarsimasoq. Nunami sumiiffup sinnisuutarititat kommuniusimasumi aalajangersimasumik najugaqartuussapput tassanilu qinersisussat allassimaffianni nalunaarsimasuussallutik. Kisimiilluni qinigassanngortittoq kommunimi partiit imaluunniit kattusseqatigiit taaguisuinit amerlanernit taaguunneqarsimaguni nunami sumiiffup ilaasortaaffissaa kisimiilluni qinigassanngortittumit pineqartumit ilaasortaaffigineqassaaq. Partiit, kattusseqatigiit imaluunniit kisimiillutik qinigassanngortittut arlallit amerlaqatigiinnit taaguunneqarsimappata makitsinkkut aalajangerneqassaaq kia arlaata ilaasortaaffik pissarsiarissaneraa. Makitsineq qinersinermik siulersuisunit isumagineqassaaq.

Imm. 5. Ilasortaaffit partiimit imaluunniit kattusseqatigiinnit ilaasortaaffigineqalersussat partiip imaluunniit kattusseqatigiit qinigassanngortitaanut agguarneqassapput siullillutik ilaasortanngussallutik qinigassanngortitat kommuniusimasumi nunami sumiiffup sinnisuutitaatut ilaasortaaffissamik pissarsisimasut. Ilasortaaffit allat siullit pissarsiarineqassapput partiip imaluunniit kattusseqatigiit qinigassanngortitaannit nunami sumiiffup sinnisuutitaatut qinigaasimangitsunit amerlanerpaanit taaguunneqarsimasunit, ilaasortaaffiup aappaq pissarsiarineqassalluni qinigassanngortitanit amerlanerpaanit taaguunneqarsimsumut tulliuttumit, ilaasortaaffit tamarmik qinigassanngortitanut agguanneqarserlugit. Qinigassanngortittoq nunami sumiiffup sinnisuutitaatut qinerneqartoq nalinginnaasumik ilaasortaaffimmut qinerneqarsinnaanngilaq.

Imm. 6. Partiit, kattusseqatigiit imaluunniit kisimiillutik qinigassanngortittut arlallit amerlaqatigiinnit taaguunneqarsimappata, tak. imm. 2, qinersinermik siulersuisut makitsinerisigut aalajangerneqassaaq kia arlaata ilaasortaaffik pissarsiarissaneraa. Tamanna amma atuuppoq ilaasortaaffinni partiimi imaluunniit kattusseqatigiit qinigassanngortitaanni, tak. imm. 5, partiip imaluunniit kattusseqatigiit qinigassanngortitaanni amerlaqatigiinnit taaguunneqartoqarsimatillugu.

§ 46. Qinersinermik siulersuisut sinniisussanik nalunaarsuiffik suliarissavaat. Nalunaarsuiffimmi allattorneqassapput qinigassanngortittut qinigaasimannngitsut, kisiannili sinniisussatut kommunalbestyrelsismut ilaasortaasinnaataasut, tak. §§ 54 - 56.

Imm. 2. Sinniisussanik nalunaarsuiffik partiinut kattusseqatigiinnullu ataasiakkaanut suliarineqassaaq, taamaalillutik qinigassanngortittut qinigaanngitsulli taagorneqarnertik malillugu tulleriinnilorsorneqassallutik. Sinniisussanik nalunaarsuiffik nalinginnaasoq suliarineqassaaq aamma nunami sumiiffiup sinniisuuutitanut sinniisussanik nalunaarsuiffik suliarineqassaaq.

Imm. 3. Sinniisussanik nalunaarsuiffimmi qinigassanngortittut arlallit amerlaqatigiinnik taaguunneqarsimappata tulleriinnilersuineq qinersinermik siulersuisut makitsinerisigut aalajangerneqassaaq.

§ 47. Qinersinermik siulersuisut qinersinermik allattaavimmut allassavaat kikkut ilaasortatut qinigaasutut isigineqarnersut, taavalu qinigaasut qinigaanerannik allaffigissallugit. Qinersinermik siulersuisut allassavaat qinigassanngortittoq nunami sumiiffiup sinniisaatut qinigaasimanersoq aammalu kommuniusimasumit sorlermit, tak. § 45, imm. 4.

§ 48. Kingusinnerpaamik qinersinerup aqaguani taaguermermi siulersuisup pappiarat taasiviit qilertakkutaarlugit ukuninnga imaqartillugit poortussavai:

1) Pappiarat taasiviit atorsinnaasut aamma

2) pappiarat taasiviit allaffigineqarsimannngitsut allallu atorsinnaanngitsut.

Imm. 2. Tamatuma kingorna poortukkat imm. 1-imi aamma § 39, imm. 1-imi taaneqartut qinersisussat allassimaffi atorneqarsimasut aammalu qinersinermik allattaavik taaguermermi siulersuisumit immersorneqarsimallunilu atsiorneqarsimasoq ilangullugit, qinersinermik siulersuisunut piaarnerpaamik nassiunneqassapput.

§ 49. Qinersinermik siulersuisut taasiviit, qinersisussat allassimaffi aamma qinersinermut allattaaviit § 39, imm. 1-imi aamma § 48-mi taaneqartut qinersivimmi taasiartorfinnit tamanit tigoreerunikk, taamaattorli qinersinerup kingorna siusinnerpaamik sapaatit akunneri marluk qaangiutereerpata, ataatsimiissapput qinersinerit ingerlanneqarsimasut atorsinnaassusii aalajangerniarlugu, taamaattorli tak. § 59. Ataatsimiinnermut tassunga qinigassanngortittut qinigaasutut isigineqartut ataatsimiinnermi peqataanissaannut kajumissaarneqassapput.

Imm. 2. Qinigassanngortittut qinigaasimagunik qinigaasimanngikkunilluuniit, aammalu kialluuniit qinersivimmi qinersisartup qinersinerup atorsinnaassusia naammagittaalliutigisinnaavaat.

Imm. 3. Naammagittaalliorneq pissaaq allakkatigut, akerliliinnermut pissutaasoq naatsumik oqaatigalugu, taasiartorfimmilu pineqartumi taaguermermi siulersuisumut tunniunneqassalluni kingusinnerpaamik qinersinerup kingorna ullut arfineq marluk qaangiutsinnagit.

Imm. 4. Taaguermermi siulersuisup naammagittaalliut oqaaseqaatigisariaqorsorisaminik ilallugu piaarnerpaamik qinersinermik siulersuisunut ingerlateqqissavaa.

Imm. 5 Qinersinermik siulersuisuni ilaasortaq naammagittaalliuteqarpat, naammagittaalliullu taaguerfimmilu pineqartumi taaguermermi siulersuisumut saqqummiunneqarsimannngippat apeqqutip aalajangiiffiqineqarnissa kinguartinneqassaaq taama oqaaseqaateqartoqarnissaata tungaanut.

Imm. 6. Qinersineq qinersinermik siulersuisuni amerlanerussuteqartunit atortussajunnaarsinnejanngikkuni akuerineqartutut isigineqassaaq.

Imm. 7. Qinersinermik siulersuisut aalajangineri qinersinermik allattaavimmut allanneqassapput qinersinermillu allattaaviup nuutinnejnarnera qinersinermut Ataatsimiititaliamut nassiunneqassaaq.

§ 50. Qinersinermik siulersuisut naammagittaalliuutit tiguneqarsimasut pillugit § 49 naapertorlugu aalajangiineri aalajangiinermit ullut arfineq marluk qaangiutsinnagit Qinersinermut Ataatsimiitaliamut ingerlateqqinnejqarsinnaapput, taassuma aalajangiinera inaarutaassalluni. § 49, imm. 2 naapertorlugu qinersineq pillugu qinersinermik siulersuisunut naammagittaalliuuteqarsinnaatitaasut aamma matumani naammagittaalliuuteqarsinnaatitaapput. Naammagittaalliuut qinersinermik siulersuisunut attuumassuteqartumut allaganngorlugu tunniunneqassaaq, naammagittaalliuullu piaernerpaamik Qinersinermut Ataatsimiitaliamut oqaaseqaatalerlugu ingerlateqqissallugu.

Imm. 2. Qinersinermi annertuumik kukkusoqarsimappat Qinersinermut Ataatsimiitaliaq pisinnaatitaavoq tunngavilersukkamik aalajangiinermigut qinersineq atorsinnaanngitsutut nalunaarutigissallugu qinersinermilu siulersuisut peqqussallugit nutaamik qinersisitseqeqqullugit. Nutaamik qinerseqqinneq qinersivimmi tamarmi atuutinnejqassaaq.

§ 51. Sapiungisamik piaartumik qinerseqqittoqassaaq.

Imm. 2. Qinersinermut Ataatsimiitaliaq aalajangiisinjaavoq qinerseqqinneq ingerlanneqassasoq qinersisussat allassimaffiat iluarsisaq tunngavigalugu. Iluarsiinermi inuit qinersisussat allassimaffiani ilanngunneqarnissamik piumasarisasunik pisimasumi naammassinnissimannngitsut peerneqassapput, tak. §§ 22 - 26. Iluarsiinermi inuit ilanngunneqassapput qinersisussat allassimaffiani ilanngunneqarnissamik pisimasumi piumasarisasunik naammassinnissimasut, tak. §§ 22 - 26.

Imm. 3. Taamatut aalajangiisoqarpat qinersinermik siulersuisut qinersisussat allassimaffiata taamatut suliarineqarsimasup nalinginnaasumik misissorneqarnissaanut il.il. erseqqinnerusumik maleruaqqusaliusapput.

§ 52. Qinersinermik siulersuisut ilaasortat nutaat qinigaanerat akuerisimappagu, aalajangiinerlu piffissaliussap § 50, imm. 1-im i taaneqartup naannginnerani Qinersinermut Ataatsimiitaliamut naammagittaalliuutigineqarsimannngippat, kommunalbestyrelsiusimasoq aprilip 30-ian tunuassaaq.

Imm. 2. Aalajangiineq piffissaliussap iluani Qinersinermut Ataatsimiitaliamut naammagittaalliuutigineqarsimappat kommunalbestyrelsi ingerlaannassaaq, Qinersinermut Ataatsimiitaliaq aalajangerserlugu qinersisoqaqqissanngitsoq, imaluunniit inatsisit malillugit nutaamik qinersisoqareernissaata tungaanut.

Imm. 3. Kommunalbestyrelsi imm. 1-im malittarisassat malillugit aprilip 30-ata kingorna atuuttoq Naalakkersuisut akuersiseqqaartinnagit aningasartuuteqarsinnaanngilaq missingersuutini akuersissutaareersuni aalajangersarneqarsimannngitsumik, imaluunniit pisussaaffiliisinnaanani missingersuutini tunngavissaqanngitsunik.

§ 53. Kommunalbestyrelsimit ilaasortaasimasut tunuarniariarpata kommunalbestyrelsi nutaamik qinigaq sulilissaaq.

Imm. 2. Naak kommunalbestyrelsiusimasoq tunuarluartoq borgmesteriusup kommunimi ulluinnarni suliassat ingerlatiinnassavai, kommunalbestyrelsip nutaap inissitsiternissaata tungaanut.

Qinigaaffiup iluani ilaasortap tunuarnera

§ 54. Ilaasortaq qinigaaffiup iluani kommunalbestyrelsimit tunuarniariarluni qinnuteqarp, kommunalbestyrelsip aalajangissavaa qinnuteqaat taamaattoq akuerineqarsinnaanersoq.

Imm. 2. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarp, qinnuteqaat nalinginnaasumik akuerineqassaaq.

Imm. 3. Ilaasortaq qinigaaffiup iluani komunalbestyrelsimit ilaasortaajunnaarpat, nammineersinnaajunnaarsitaappat imaluunniit toqukkut qimaguppat, sinniisussamit taarserneqassaaq. Tamanna aamma atuuppoq Qinigaasinnaassuseq pillugu Ataatsimiititaliaq aalajangiippat qinigassanngortitaq qinigaq qinigaasinnaanngitsoq.

Imm. 4. Ilaasortaq qinersivimmi najugaqarunnaarallarpat komunalbestyrelsip aalajangersinnaavaa pineqartup qinigaasinnaanini annaasimanngikkaa, taamaalillunilu komunalbestyrelsimit ilaasortaajunnaarallaannassalluni qinersivimmi aalajangersimasumik najugaqaqqilernissami tungaanut.

§ 55. Komunalbestyrelsimit ilaasortap nunami sumiiffiup sinniisaatut qinerneqartup § 45, imm. 4 naapertorlugu kommuniusimasumi najukkani qimappagu pineqartup qinigaasinnaanini annaassanngilaa komunalbestyrelsimiillu tunuassanani.

§ 56. Komunalbestyrelsimit ilaasortaq kinaluunniit komunalbestyrelsimit ilaasortaanerminut atatillugu nuna tamakkerlugu kommunini soqtigisaqaqtigiit kattuffiannut piffissaq tamaat siulittaasussatut toqqarneqartoq, siulittaasutut atuuffeqarnerup nalaani komunalbestyrelsimit tunuarallassaaq.

§ 57. Kisimiilluni qinigassanngortittoq katusseqateqarani qinigassanngortissimasoq pissutsit § 54-imi imaluunniit § 55-imi taaneqartut tunngavigalugit ilaasortaajunnaarpat naammaqquitissamik qinersineqassaaq, taamaattoq tak. § 58.

Imm. 2. Ilaasortaaffik inuttaaruttoq, partii sinnerlugu katusseqatigiittulluunniit qinigaanikkut pissarsiaalluni, ilaasortaaffik partiip katusseqatigiilluunniit qinersivimmi qinigassanngortissimasaanit qinigaanngitsunit amerlanerpaanik taaneqarsimasumit pissarsiarineqassaaq, tak. § 46. Ilaasortaaffik inuttaaruttoq nunami sumiiffiup sinniisaatut qinigaanikkut pissarsiaappat ilaasortaaffik partiip katusseqatigiilluunniit kommuniusimasumi qinigaanngitsumit amerlanerpaanik taaneqarsimasumit pissarsiarineqassaaq.

Imm. 3. Partii katusseqatigiilluunniit qinersivimmi ilaasortaaffiup inuttaaruttup inuttalernissaanut sinniisussamik peqanngippata naammaqquitissamik qinersineqassaaq, taamaattoq tak. § 58.

Imm. 4. Naammaqquitissamik qinersinermi qinigaasoq taamaallaat komunalbestyrelsip atuuffissaata sinneranut qinigaassaaq.

Imm. 5. Naammaqquitissamik qinersinerup piareersarnissaanut naammassineqarnissaanullu Naalakersuisut malittarisassanik aalajangersaasinnapput.

§ 58. Komunalbestyrelsimi aallaqqaammut ilaasortasut affaanit amerlanerusut aalajangiippata, § 57-imi aalajangersakkat apeqqutaatinngagit, naammaqquitissamik qinersineqassanngilaq.

Qinigaasinnaassuseq pillugu Ataatsimiititaliaq

§ 59. Naalakersuisut Qinigaasinnaassuseq pillugu Ataatsimiititaliamik pilersitsissapput, tassani siulittaasuussaaq Kalaallit Nunaata Eqqartuussisuuneqarfiani eqqartuussisuuneq allanillu sisamanik ilaasortaqassalluni, taakkunannga marluk Kalaallit Nunaanni Kommunit Kattuffiata toqqassavai komunalbestyrelsinit nunaqarfinnilu aqutsisunut ilaasortat akornanni Inatsisartullu toqqassallugit marluk ilaasortami akornanni. Tamatumunnga peqatigitillugu ilaasortat sisamat tamarmik sinniisussaannik toqqaasoqassaaq. Qinersinerit ukiut sisamat tikillugit imaluunniit nutaanik ilaasortanik toqqaasoqassaaata tungaanut atuutissapput.

Imm. 2. Komunalbestyrelsimi ilaasortap qinigaasinnaaneranik apeqqutini tamani ataatsimiititaliaq aalajangiisassaaq, tak. § 4. Biskoppi ilagiit sinniisaannut qinigaasinnaassuseq pillugu suliassani

ataatsimiititamut aggersarneqartassaaq.

Imm. 3. Kommunalbestyrelsimit qinersinerup kingorna qaammat ataaseq qaangiutsinnagu kommunalbestyrelsit Qinigaasinjaassuseq pillugu Ataatsimiititaliamut nassutiissavaat kommunalbestyrelsimit ilaasortatut qinikkat tamarmik aqqisa inuup-normuisalu allattorsimaffiat.

Imm. 4. Qinigaasinjaassuseq pillugu Ataatsimiititaliap imaluunniit qinersinermik siulersuisut Kalaallit Nunaanni Politimesteri oqaaseqaateqartissavaa kommunalbestyrelsimi ilaasortanngorlaat § 5 naapertorlugu pineqaatissinneqarsimanersut. Taamaattoqarsimappat Politimesterip aalajangiinerup allattorsimaffiata assinga Qinigaasinjaassuseq pillugu Ataatsimiititamut nassutiissavaa.

Imm. 5. Ilaasortaq piffissap qinigaaffiup iluani § 5 naapertorlugu pinerluttulerinermik inatsisit tunngavigalugit pineqaatissinneqarpat Kalaallit Nunaanni Politimesterip Qinigaasinjaassuseq pillugu Ataatsimiititaliamut nassutiissavaa aalajangiinerup allattorsimaffiata assinga.

Imm. 6. Qinigaasinjaassuseq pillugu Ataatsimiititaliap kommunalbestyrelsi ilaasortaq imaluunniit sinniisussaq pineqartoq piffissaq siulleq atorlugu nalunaarfıgissavaa aalajangiisimaneq pillugu, Politimesterip oqaaseqaatai tiguneqarsimasut tunngavigalugit aalajangiisoqaraangat.

Imm. 7. Maleruaqqusat imm. 1-imut 6-imut allassimasut atuupputtaaq kommissioninut, aalajangersaasartutut ataatsimiititanut, siunnersuisoqatigiinnut il.il. ilaasortanut, kommunit ataatsimiititaliaannut qinigaasinjaassuseqarneq naapertorlugu ilaasortaasinnaasoqaraangat, piffissarli qaammammik ataatsimik sivisussusilik pineqartup ullormiit toqqagaaffianiit naatsorsuullugu.

Imm. 8. Qinigaasinjaassuseq pillugu Ataatsimiititap aalajangiineri inaarutaassuupput.

Kapitali 2

Nunaqarfimmi aqutsisunut qinersineq

§ 60. Ataatsimoorussanik nunaqarfinni aqutsisunik qinersisoqartassaaq. Kommunip ataatsip iluani ataatsimoorussamik nunaqarfinni aqutsisut minnerpaamik nunaqarfíit marluk ilaassapput.

Imm. 2. Nunaqarfíit sorliit ataatsimoorussamik nunaqarfinni aqutsisoqassanersut ilaasortallu qassit qinerneqassanersut kommunalbestyrelsimit aalajangiiffiqineqassapput.

Imm. 3. Tamanna pillugu aalajangiineq ataatsimoorussamik nunaqarfinni aqutsisunik qinersinissap ukiup siuliata naannginnerani aalajangerneqassaaq. Ataatsimoorussamik nunaqarfinni aqutsisunik qinersisarnerit ukiumi communalbestyrelsintut qinersisoqarfiusumi apriilimi ingerlanneqartassaaq.

Imm. 4. Nunaqarfíit avinngarusimavissut nunaqarfíilluunniit inuttuut pillugit imm. 1-imi, oqaaseqatigiit aappaanni piumasaqaammut atatillugu Naalakkersuisut immikkorluinnaq pisuni immikkut akuersissuteqarsinnaapput. Naalakkersuisut aalajangiinerminni kommunalbestyrelsi pineqartoq nunaqarfinnit marlunnit amerlanerusunik nunaqarfíeqarpát qanoq annertutigisumik ataatsimoorussamik nunaqarfinni aqutsisiliisimanersut pingartissinnaavaat.

Imm. 5. Ataatsimoorussamik nunaqarfinni aqutsisunik qinersinermi ataatsimoorussamik nunaqarfinni aqutsisunut ilaatinneqartut nunaqarfíit qinersivittut ataasiusutut isigineqassapput.

§ 61. Nunaqarfimmi aqutsisunut ataatsimoorussanut qinersisinjaatitaavoq kinaluunniit § 1 malillugu kommunalbestyrelsimit qinersisinjaatitaanermut piumasarisaasunik eququutitsisoq, aammalut qinersinissaq kingusinnerpaamik ullunik 14-inik sioqqullugu nunaqarfimmi aalajangersimasumik najugaqarsimasoq kiisalu § 2-mi inuit taaneqartut.

Imm. 2. Qinersinissaq ullunik 14-inik sioqqullugu qinersinermik siulersuisut suliarissavaat inuit ullormi qinersivissami qinersisinjaatitaallutik nunaqarfimmi najugallit allattorsimaffiat.

Imm. 3. Qinersisussat allassimaffiat suliarineqarnermi kinguninngua ulluni marlunni nalinginnaasuni saqqumitinneqassaaq.

Imm. 4. Inuk qinersisussat allassimaffiannut ilanngunneqarsimasoq qinersisussat allassimaffiata suliarineqareernerata kingorna nunaqarfip avataani aalajangersimasumik najugaqalersimasoq qinersisussat allassimaffiannit peerneqassaaq.

Imm. 5. Kinaluunniit qinersisussat allassimaffiannut ilanngunneqarsimatinnani qinersisinnaatitaanngilaq.

Imm. 6. Qinersisussat allassimaffii pillugit aalajangersakkat §§ 22 - 26-mi maleruagassat pineqartut atorneqassapput.

§ 62. Nunaqarfimmi aqutsisunut ataatsimoorussanut qinigaasinnaatitaavoq kinaluunniit § 61, imm. 1, tak. § 1, naapertorlugu tassunga qinersisinnaatitaasoq, qinersivimmilu kingusinnerpaamik ullut 14-it sioqqullugu aalajangersimasumik najugaqartoq, pineqartoq ukiut kingulliit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimanngikkuni imaluunniit ukiut kingulliit pingasut ingerlaneranni pissutsimut nalinginnaasumik isigineqarnermi nunaqarfimmi aqutsisunut ilaasortaanissamut naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimanngikkuni. Piffissaliussat ullormit qinersivimmuit atuutissapput.

Imm. 2. Taamaattoq kinaluunniit qinigassangortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaannginnera pillugu akerliliisoqaraluarpualluunniit.

§ 63. Nunaqarfimmi aqutsisut ukiuni sisamani atuuttussatut qinigaassapput ilaasortallu tamarmiusut ataatsikkut tunuassallutik.

Imm. 2. Nunaqarfinni aqutsisut qinigaaffiata communalbestyrelsimeut qinigaaffik malissavaa, tak. § 7.

§ 64. Qinersineq piareersarneqarlungilu siulersorneqassaaq qinersinermik siulersuisunit.

Imm. 2. Qinersinermik siulersuisut qinersivimmilu taasiartorfissanut ataasiakkaanut tamanut inummik qinersisinnaatitaasumik taasiartorfissami pineqartumi taaguinermik siulersuisussamik toqqaassapput aammal qinersinerup ingerlanneqarnerani ikuuttussanik aalajangersimasumik amerlassuseqartitaminnik toqqaasinnaallutik. Taaguinermik siulersuisut qinersinerullu ingerlanneqarnerani ikuuttussat taamatut toqqaerneqarsimasinnaapput communalbestyrelsimeut ilagiillu sinnisaannut qinersinermut atatillugu.

Imm. 3. Qinersinerup piareersarneqarneranut atatillugu §§ 8 - 13-ini maleruaqqusat aamma malinneqassapput.

§ 65. Qinigassanngortitanik nalunaarutit nunaqarfimmi taaguinermik siulersuisumut tunniunneqareersimassapput kingusinnerpaamik qinersinissaq ullunik 10-nik sioqqullugu nal. 12.00.

Imm. 2. Qinigassanngortitanik nalunaarutit il.il. atatillugu §§ 14 - 21-mi maleruaqqusat aamma malinneqassapput.

§ 66. Taasineq ingerlanneqassaaq taasiviit pappiarat naqinneqareersimasut atornerisigut. Taasiviit pappiarat kalaallisut qallunaatullu naqitanik allagartaqassapput "Nunaqarfimmi aqutsisunut qinersineq". Qinersinermik siulersuisut taasivissat pappiarat pisariaqartinneqartut pissarsiarinissaat, ilusilernissaat agguannissaallu pillugit akisussaasuupput.

Imm. 2. Taasisoqassaaq taasiartortarfinni tamani inimi qinersinermik siulersuisunit innersuussutigineqartumi.

Imm. 3. Taaguinermi siulersuisup taasinermut karseqarnissaq isumagissavaa.

Imm. 4. Qinersinermi taaguinermut atatillugu aalajangersakkat §§ 27 - 31 aamma malinneqassapput.

Imm. 5. Qinersisartut, taasinissamut piffissaliussat iluanni taasiartorfimmukarsinnaanngitsut imaluunniit aatsaat ajornartorsiorujussuarlutik taasiartorfimmukarsinnaasussat, §§ 32 - 38-mi maleruaqqusat malillugit pappiaramik taasivimmik allakkatigut taasisinnaapput, ilaatigut danskit allakkatigut qinersinerni atorneqartartut Kalaallit Nunaata avataani taasinermi atorneqarnerisigut.

§ 67. Qinersivinni ataasiakkaani qinersinerup inernerata naatsorsorneranut nalunaarutigineranullu aammalut piffissap qinigaaffiup ingerlanerani ilaasortat tunuarnerat il.il. atatillugu kommunalbestyrelsimum qinersinermut maleruaqqusat assingi atuupput, tak. kap. 1. Nunami sumiiffiup sinnisaatut qinersinermi aalajangersakkat atuutissangillat.

Kapitali 3

Ilagiit sinnisaannut qinersineq

§ 68. Kalaallit Nunaanni Ilagiinnut ilaasortat ilagiit sinnisaannut qinersisinnaatitaapput kommunalbestyrelsimum qinersisinnaanermut piumasaqaatit naammassisimagunikkit, tak. § 1 imaluunniit § 2-mi piumasaqaatit naammassineqarpata. Ilagiit sinnisaannut qinersineq ullormi kommunalbestyrelsimum qinersinermi ingerlanneqassaaq.

Imm. 2. Kinaluunniit qinersisussat allassimaffiannut ilanngunneqarsimatinnani qinersisinnaatitaanngilaq.

Imm. 3. Qinersisussat allassimaffinut atatillugu §§ 22 - 26 maleruaqqusat aamma malinneqassapput.

§ 69. Immikkoortoq 3-mi taaneqartut eqqaassanngikkaanni ilagiit sinnisaannut kinaluunniit qinigaasinnaatitaavoq § 68, imm. 1, tak. § 1, naapertorlugu tassunga qinersisinnaatitaasoq, qinersivimmilu kingusinnerpaamik sapaatit akunneri arfinnillit qinersinissaq sioqqullugu aalajangersimasumik najugaqartoq, pineqartoq ukiut kingullit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerineremi inatsit tunngavigalugit pineqaatissinneqarsimanngikkuni imaluunniit ukiut kingullit pingasut ingerlaneranni pissutsimut nalinginnaasumik isigineqarnermi ilagiit sinnisaanni ilaasortaanissamut naleqqukkunnaarsitsisumik pinerluttulerineremi inatsisit tunngavigalugit pineqaatissinneqarsimanngikkuni. Piffissaliussat ullormit qinersivimmii atuutissapput.

Imm. 2. Taamaattoq kinaluunniit qinigassanngortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaannginnera pillugu akerliliisoqaraluarpuunniit.

Imm. 3. Ilageeqarneq pillugu Inatsisartut inatsisaat sukkulluunniit atuuttoq naapertorlugu inuit ilagiit sinnisaanni ilaasortaasussat tassunga qinigaasinnaanngillat.

§ 70. Sioqqutsisumik Biskoppimut tusarniaasoqareerneratigut oqaluffinni aamma atuarfiutigalutik naalagiartarfinni sumi ilagiit sinnisaannut qinersisoqarsinnaanersoq aammalut sumiiffinni tamani ilagiit sinnisaannut ilaasortat amerlassusissaat Naalakkersuisut aalajangissavaat.

Imm. 2. Sumiiffinni ilagiit sinnisaannut qinersifflusussaanngitsuni qinersisartut taakkunani najugaqartut, tak. § 67, ilagiit sinnisaannut qinersinermi sumi qinerseqataassanersut Naalakkersuisut aalajangissavaat.

§ 71. Ilagiit sinnisaat ukiuni sisamani atuuttussatut qinigaassapput, ilaasortallu tamarmiusut ataatsikkut tunuassallutik.

Imm. 2. Piffissap ilagiit sinnisaasa qinigaaffiata piffissaq kommunalbestyrelsimum qinigaaffik malissavaa, tak. § 7.

§ 72. Kommunini tamani qinersineq piareersarneqarlunilu siulersorneqassaaq naammassineqarlunilu qinersinermik siulersuisunit.

Imm. 2. Qinersinerup piareersarneqarneranut atatillugu §§ 8 - 13-ini maleruaqqusat aamma malinneqassapput.

§ 73. Ilagiit sinnisaannut qinersinissaq kingusinnerpaamik qaammatinik marlunniq sioqqullugu palaseqarfimmi palasi kirkebogilerisoq ilagiinnik ataatsimiigiaqqusissaaq. Ilagiit sinnisaanni ataatsimiinnermi tessani ilagiit sinnisaasa suliassai nassuarneqassapput misissorneqassaarlu ilagiit sinnisaanni naammattunik ilaasortaqarsinnaaneranik qinersisoqarnissaanik isumaqatigiittoqarsinnaanersoq. Isumaqatigiittoqarsinnaappat ataatsimiinnermi imaluunniit ataatsimiinnermut atatillugu qinigassanngortitat qinigaatinniakkat nalunaarsorneqassapput, tak. § 74, imm. 1.

Imm. 2. Ataatsimiinnissamut imm. 1-imi taaneqartumut ataatsimiigiaqqusineqassaaq ataatsimiinnissap siornatigut sapaatini kingullerni pingasuni naalagiarnermi ataatsimiinnissap nalunaarutigineqarneratigut, qaqgu sumilu ataatsimiinnissaq oqaatigineqassalluni aammalu allagarsiinikkut kiisalu qinersinermik siulersuisut erseqqinnerusumik aalajangiinerisigut.

Imm. 3. Ataatsimiinnissami tessani taamaallaat peqataasinnaapput inuit ilagiit sinnisaanni qinersisinnaatitaasut.

Imm. 4. Ataatsimiinnermi imm. 1-imi taaneqartumi qinigassanngortitassat naammattut isumaqatigiissutigineqaraluarpatluunniit qinigassanngortitat allat § 74, imm. 1-imi piffissaliussap naannginnerani taaguvimmi pineqartumi qinersinissamik siulersuisumut nalunaarutigineqarsinnaapput.

§ 74. Qinigassanngortitanik nalunaarut qinersinermik siulersuisut qinigassanngortittut pillugit allaffissiaasigut nalunaarutigineqartassaaq, taaguvimmilu pineqartumi taaguiermik siulersuisumut tunniunneqareersimassapput kingusinnerpaamik qinersinissaq sapaatit akunnerinik sisamanik sioqqullugu nal. 12.00.

Imm. 2. Qinigassanngortittut qinersinissamut qinigassanngortinnertik kiisalu qinersinermik siulersuisut imaluunniit Qinigaasinnaassuseq pillugu Ataatsimiitaliaq qinigaasinnaassutsip misilinnejarnissaanut atorneqartussamik, tak. § 59, imm. 4, Kalaallit Nunaanni Politimestereqarfimmut pinerluttulerinermut nalunaarsuiffimmut paassisutissanik piniarsinnaanerat akuersarlugu namminneq atsiorlutik uppernarsarsimassavaat.

Imm. 3. Inuit qinigassanngortitat tamarmik immikkut ikinnerpaamik tallimanik qinigassanngortitsisoqassapput, aammalu taamaallaat qinigassanngortitsisuusinnaapput inuit ilagiit sinnisaanni qinersisinnaatitaasut. Kinaluunniit qinigassanngortittumit ataatsimit amerlanerusunut qinigassanngortitsisuusinnaanngilaq.

Imm. 4. Qinigassanngortittup qinigassanngortitsinermik nalunaarut tunniunneqareersimasoq taaguiermik siulersuisumut kingusinnerpaamik imm. 1-imi piffissaliussap naannginnerani tunuartissinnaavaa.

Imm. 5. Piffissaliussap naanerani ilagiit sinnisaattut qinerneqartussaniit amerlanerusunik qinigassanngortittoqangippat qinigassanngortitaasut qinigaasutut isigineqassapput.

Imm. 6. Piffissaliussap naanerani ilagiit sinnisaattut qinerneqartussaniit amerlanerusunik qinigassanngortittoqarpat taakkunannaq qinersineqassaaq, qinigassanngortittullu aqqi allagarsiinikkut aammalu qinersinermik siulersuisut erseqqinnerusumik aalajangiinerat malillugu tamanut saqqummiunneqassapput.

§ 75. Taasineq ingerlanneqassaaq taasiviit pappiarat naqinneqareersimasut atornerisigut. Taasiviit pappiarat kalaallisut qallunaatullu naqitanik allagartaqassapput "Ilagiit sinnisaannut qinersineq".

Qinersinermik siulersuisut taasivissat pappiarat pisariaqartinneqartut pissarsiarinissaat, ilusilernissaat agguannissaallu pillugit akisussaasuuput.

Imm. 2. Qinersineqassaaq kommunalbestyrelsimit qinersinerup peqatigisaanik taasiartorfissani tamani inimi qinersinermik siulersuisut innersuussutaani.

Imm. 3. Taaguinermik siulersuisup ilagiit sinnisaannik qinersinermi pappiaranut taasivinnut immikkut nakkaatitsivik pissarsiarissavaa.

Imm. 4. Qinersinerup ingerlanneqarnissaa, tassunga ilanngullugu taassisummiq nassiuilluni taasinermut atatillugu §§ 27 – 38-mi maleruaqqusat aamma malinnejqassapput.

§ 76. Qinersinerup naatsorsorneqarnerani siulliulluni ilaasortangussaaq inuk amerlanerpaanit taagorneqarsimasoq, tulliulluni ilaasortangussalluni inuk amerlanerpaanik taagorneqarsimasup tulliatut taagorneqarsimasoq ilagiit sinnisaanni inissat tamakkerlugin agguanneqarserlugit.

Imm. 2. Qinigassanngortitat arlallit amerlaqatigiimmik taagorneqarsimappata qinersinermik siulersuisut makitsineratigut aalajangerneqassaaq arlaat kina qiniganersoq.

Imm. 3. Qinersinermik siulersuisut sinniisussanik nalunaarsuiffik suliarissavaat, tassani allattorneqassapput qinigassanngortissimasut qinigaanngitsulli taaguunneqarnertik malillugu tulleriinnilersorneqarlutik. Qinigassanngortittut arlallit amerlaqatigiinnik taaguunneqarsimappata qinersinermik siulersuisut makitsinerisigut tulleriinnilersuineq aalajangerneqassaaq.

Imm. 4. Qinersinerup naatsorsorneqarneranut atatillugu §§ 39, 41 - 44 aamma §§ 47 – 52-im i maleruaqqusat aamma malinnejqassapput.

§ 77. Ilaasortatut qinigaasoq piffissap qinigaaffiup ingerlanerani ilagiit sinnisaannit tunuarpat, nammineersinnaajunnaarsitaappat imaluunniit toqukkut qimaguppat sinniisussamit taarserneqassaaq.

Imm. 2. Ilaasortaq qaammat ataaseq sinnerlugu pisinnaanngippat sinniisussaq ilagiit sinnisaanni ilaasortanngorallassaad.

Imm. 3. Pissutsini imm. 1-imi taaneqartuni ilaasortap taartissaanik sinniisussaqanngippat ilaasortat qinigaasimasut sinneri piffissap qinigaaffiup sinneranut ilaasortaasussamik qinersissapput.

Kapitali 4

Ataatsimut aalajangersakkat

§ 78. Qinersinermut Ataatsimiititaliaq inatsimmi matumani taaneqartoq tassaavoq Kalaallit Nunaata Inatsisartuinut qinersisarneq pillugu Inatsisartut inatsisaanni ataatsimiititaliaq taaneqartoq.

Qinersinermut Ataatsimiititaliap suliassai suliarineqassapput inatsisartut inatsisaanni qulaani taaneqartumi § 54-imi maleruaqqusat malillugit.

§ 79. Qinigaasinnaauseq pillugu Ataatsimiititaliap § 59-imi taaneqartup sulineranut atatillugu aningaasartuitit landskarsimit akilerneqassapput.

Imm. 2. Naalakkersuisut ataatsimiititaliaq allattoqarfekartissavaa.

Imm. 3. Siulittaasoq akissarsiaqartinneqassaaq eqqartuussisut pillugit isumaqatigiissut sukkulluunniit atuuttoq naapertorlugu Naalakkersuisut aalajangersagaannik.

Imm. 4. Qinikkat Ataatsimiititaliam iilaasortaasut akissarsiaqartinneqassapput Inatsisartunut, Naalakkersuisunut il.il. iilaasortat aningaasarsiaqartitaanerat pillugit inatsisartut inatsisaanni maleruaqqusat malillugit.

§ 80. Qinersinermut Ataatsimiititaliaq qinersinerup piareersarnerani ingerlanneqarneranilu piginnaatitaavoq pissutsit naapertorlugin pisariaqarsorinerneratut inatsisartut inatsisaanni matumani

maleruaqqusanik saneqqutsinissaminut, patsisissaatillugu qinersinerup isertuussassaanerata qinersinerullu ingerlanneqarnerata nakkutigisaanerata tamatigut isumannaarneqarsimanissaq ulakkeerneqarsimaannarpas. Qinersinermut Ataatsimiititaliap qinersinermut allattaavimmini aalajangersagaq manna malillugu saneqqutsinerit pisimasut nassuaateqarfingissavai.

§ 81. Naqitertitanut, tamanut saqqummiussanut aamma pappiaqqanut taasivinnut il.il. aningaasartuutit kommunimit attuumassuteqartumit akilerneqassapput, taamattaarlu qinersinermik siulersuisunut allattoqarfegartitsissalluni.

Imm. 2. Allakkatigut qinersinerni atortussat aamma qinersinermut allattaaviit Naalakkersuisunit akilerneqassapput.

§ 82. Qinersisartoq taasisimasoq suliassami sumiluunniit pisussaanngilaq eqqartuussisunut oqaatigissallugu qinigassanngortitaq kina imaluunniit partii sorleq taasimanerlugu.

§ 83. Kinaluunniit inatsisartut inatsisaat una malillugu imminut suliakkiutigineqartunik sumiginnaasoq pinerluttulerinermik inatsimmi §§ 8, imm. 2, 10, imm. 1-2, 12, 13, 19, 20, 22, 23, imm. 1, 24, imm. 3, 25, imm. 1, 26, imm. 2-4, 27, imm. 1, 30, imm. 1-2, 35, 36, 38, imm. 1 aamma 5, 39, 42, 43, 44, 45, imm. 1, 46, stk. 1, 47, 48, 49, imm. 1, 4 aamma 7, 50, imm. 1, 52, imm. 2, 59, imm. 2, 60, imm. 3, 61, imm. 6, 64, imm. 1 aamma 3, 66, imm. 4-5, 67, 68, imm. 3, 72, 73, imm. 1, 75, imm. 4 kiisalu § 76, imm. 4 malillugu pineqaatissinneqarsinnaavoq.

Imm. 2. Inatsisartut inatsissaani aalajangersakkani atuutilersinneqartuni Kalaallit Nunaanni pinerluttulerinermi inatsimmi aalajangersakkat naapertorlugit pineqaatissiinermik aalajangersaasoqarsinnaavoq.

Imm. 3. Inatsisartut inatsisaanni imaluunniit inatsisartut inatsisaat naapertorlugu aalajangersakkanik atuutilersinneqartut toqqammavigalugit akiliisitsinissamik aalajangiisoqartillugu, akiligassaq inatsisitigut nammineersinnaatitaasumut akiligassiisutigineqarsinnaavoq Kalaallit Nunaanni pinerluttulerinermi inatsimmi malittarisassat naapertorlugit.

§ 84. Qinersinermik siulersuisunut ilaasortat imaluunniit allat inatsisartut inatsisaanni matumani aalajangersakkat malillugit inini pappiarat taasiviit tigoqqarneqarfianniissinnaatitaasut

- 1) taasisitsinerup nalaani qinersisartumik siunnersuisussaanngillat, ilitsersuissanatik kajumissaarissanatilluunniit qinigassanngortitaq kina taasaneraat,
- 2) allanik ilisimatitsissanngillat qinersisartoq una unalu najuussimanersoq, imaluunniit pappiaramik taasivimmik tuneqqusimanersoq tunniussisimanersorluunniit, imaluunniit
- 3) allanut nalunaarutiginnissanngillat taasivimmi qinersisartup qinigassanngortitamik imaluunniit partiimik sorlermk taasisimaneranik paasisimasaminnik.

Imm. 2. Qinersisartut aggerlutik taasinerata inatsisartut inatsisaanni matumani peqqussutigineqartumiit allaanerusumik nakkutigineqarnissaa akuerisaanngilaq.

Imm. 3. Immikkoortumi 1-im aamma 2-mi aalajangersakkanik unioqqutitsisoqartillugu Kalaallit Nunaanni pinerluttulerinermik inatsit malillugu pineqaatissiisoqarsinnaavoq.

§ 85. Inatsisartut inatsisaat atuutilerpoq 1. januar 2013. Tamatuma peqatigisaanik atorunnaarsinneqarput Kommunalbestyrelsinut, nunaqarfintti aqutsisunut ilagiillu sinnisaannut qinersisarnerit pillugit Inatsisartut inatsisaat nr. 10, 31. oktober 1996-imeersoq aammalu kapitali 2, Kommunini suliassaqarfuit aaqqissuuteqqinnejnarerat pillugu Inatsisartut inatsisaat nr. 14, 19. november 2007-imeersoq.

Imm. 2. Tamatuma peqatigisaanik atorunnaarsinneqarpoq Namminersornerullutik Oqartussat apriili 2009-mi ataatsimoorussanik nunaqarfintti aqutsisussanik qinersineq pillugu nalunaarutaat nr. 4, 22. januar

2009-meersoq. Kommunalbestyrelsi kingusinnerpaamik 31. januar 2013 § 60, imm. 2 naapertorlugu 2013-imi ataatsimoorussanik nunaqarfinni aqutsisussanik qinersinermi atuuttussamik aalajangiissaq.

Namminersorlutik Oqartussat, ulloq 3. december 2012

Kuupik Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut